

## Paerewa Paetae

<b>Aronga</b>	Hauora 1.1		
<b>Ingoa</b>	Te whakamārama i te whakatau kōwhiringa hei oranga mō te tangata		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Hauora - Wāhanga Ako		
<b>Mana rēhita</b>	Kua rēhitatia	<b>Te rā i mana ai</b>	18 Hakihea 2013
<b>Te rā e arotakengia ai</b>	31 Hakihea 2020	<b>Te rā i puta ai</b>	18 Hakihea 2013

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

Waiora, Tupuranga:

2 *Ka tautohu, ka tūhura i ngā kōwhiringa e pā ana ki te whanaketanga o te taiohi, me te arotake i ngā hua ka puta ake i aua kōwhiringa.*

Koiri, Whakamahinga Pūkenga Koiri:

3 *Ka whakaatu i tōna mārama, i tōna tautoko i te whānuitanga o ngā hiahia me ngā tikanga a ētahi atu (ā-iwi, ā-hapori) i a ia e mahi koiri ana.*

4 *Ka whiriwhiri, ka ū tonu ki ngā mahi koiri me te tātari i ngā āhuatanga e pāpā ana ki te whai wāhitanga ki aua mahi koiri.*

Tangata, Huatau o te Whanaungatanga:

3 *Ka whakaatu i tōna mārama ki ngā āhuatanga e puta ai te tuakiri whaiora o te tangata, kia taea ai te whakanui i tōna tū motuhake me te tiaki i tōna oranga wairua, oranga hinengaro, oranga tinana.*

E hono ana ki te Papa Whakaako mō Hauora kei te pae ipurangi nei: <http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae: <http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakamārama i te whakatau kōwhiringa hei oranga mō te tangata.</p>	<p>Hei tohu i te paetae:</p> <ul style="list-style-type: none"> <li>• Ka tautohu i: <ul style="list-style-type: none"> <li>– ngā pānga ki te tangata i runga i ngā whakataunga kua whāia</li> <li>– ētahi pānga papai, kikino rānei ki te oranga o te tangata</li> <li>– tētahi kōwhiringa e hāpai ana i te oranga o te tangata.</li> </ul> </li> </ul>
<p><b>Kaiaka</b> He kaiaka te whakamārama i te whakatau kōwhiringa hei oranga mō te tangata.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i: <ul style="list-style-type: none"> <li>– ētahi pānga papai, kikino rānei ki te oranga o te tangata</li> <li>– tētahi kōwhiringa e hāpai ana i te oranga o te tangata.</li> </ul> </li> </ul>
<p><b>Kairangi</b> He kairangi te whakamārama i te whakatau kōwhiringa hei oranga mō te tangata.</p>	<p>Hei tohu i te kairangi:</p> <ul style="list-style-type: none"> <li>• Ka parahau i tētahi kōwhiringa e hāpai ana i te oranga o te tangata.</li> </ul>

**Kōrero Āpiti**

- 1 E whai ake nei ko te whakamāramatanga o ngā kupu whaitake, kīanga rānei:

parahau	He taunaki i ngā whakaaro.
---------	----------------------------

- 2 Ko ētahi horopaki e hāngai ana:

- ngā kai e tika ana
- te kai hikareti
- te mahi tōkai
- te mate hinengaro
- te tiaki i te tinana
- ngā āhuatanga whakapakari
- ngā hononga tangata
- te rapu mahi.

Kuputaka:  
kōwhiringa  
mahi tōkai

choice  
sexual activity, practices

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233